

## REGLUGERÐ

### um gildistöku framkvæmdarreglugerðar framkvæmdastjórnarinnar (ESB) 2015/949 um samþykki fyrir eftirliti tiltekinna þriðju landa fyrir útflutning á tilteknum matvælum að því er varðar tilvist tiltekins sveppaeiturs.

#### 1. gr.

Ákvæði samningsins um Evrópska efnahagssvæðið sem vísað er til í I. kafla, I. viðauka, skulu öðlast gildi með breytingum og viðbótum sem leiðir af I. viðauka, bókun 1 við samninginn og öðrum ákvæðum hans. Á grundvelli ákvörðunar sameiginlegu EES-nefndarinnar nr. 134/2007 frá 26. október 2007 öðlast eftirfarandi ESB-gerð gildi hér á landi:

Framkvæmdarreglugerð framkvæmdastjórnarinnar (ESB) 2015/949 um samþykki fyrir eftirliti tiltekinna þriðju landa fyrir útflutning á tilteknum matvælum að því er varðar tilvist tiltekins sveppaeiturs.

#### 2. gr.

Framkvæmdarreglugerð framkvæmdastjórnarinnar (ESB) 2015/949 er birt sem fylgiskjal við reglugerð þessa.

#### 3. gr.

Matvælastofnun fer með eftirlit með því að ákvæðum þessarar reglugerðar sé framfylgt vegna matvæla í samræmi við 6. gr. laga nr. 93/1995 um matvæli.

#### 4. gr.

Um brot gegn reglugerð þessari fer samkvæmt 30. gr., 30. gr. a – 30. gr. e og 31. gr. laga nr. 93/1995 um matvæli.

#### 5. gr.

Reglugerð þessi er sett samkvæmt heimild í 31. gr. a laga nr. 93/1995, með síðari breytingum.

#### 6. gr.

Reglugerðin öðlast þegar gildi. Á sama tíma falla brott reglugerð nr. 909/2012 um gildistöku framkvæmdarreglugerðar framkvæmdastjórnarinnar (ESB) nr. 844/2011 um samþykki fyrir eftirliti Kanada fyrir útflutning hveitis og hveitimjòls til að kanna hvort það inniheldur okratoxín A og auglýsing nr. 418/2013 um innflutningseftirlit með aflatoxín í jarðhnetum og afurðum úr þeim frá Bandaríkjunum Norður-Ameríku.

*Atvinnuvega- og nýsköpunarráðuneytinu, 25. febrúar 2016.*

F. h. sjávarútvegs- og landbúnaðarráðherra,

**Ólafur Friðriksson.**

*Eggert Ólafsson.*

**Fylgiskjal.****FRAMKVÆMDARREGLUGERÐ FRAMKVÆMDASTJÓRNARINNAR (ESB) 2015/949**

frá 19. júní 2015

**um samþykki fyrir eftirliti tiltekinna þriðju landa fyrir útflutning á tilteknum matvælum að því er varðar tilvist tiltekins sveppaeiturs**

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 882/2004 frá 29. apríl 2004 um opinbert eftirlit til að staðfesta að lög um föður og matvæli og reglur um heilbrigði og velferð dýra séu virt <sup>(1)</sup>, einkum 23. gr.,

og að teknu tilliti til eftirfarandi:

- (1) Í reglugerð framkvæmdastjórnarinnar (EB) nr. 1881/2006 <sup>(2)</sup> er mælt fyrir um leyfileg hámarksgildi fyrir okratoxín A og aflatoxín í matvælum. Einungis má setja matvæli á markað í Sambandinu sem uppfylla kröfur um hámarksgildi.
- (2) Í reglugerð (EB) nr. 882/2004 er kveðið á um að aðildarríkjum sé skylt að sjá til þess að opinberu eftirliti sé sinnt reglulega og út frá áhættu og fari nægilega oft fram til að markmiðum þessarar reglugerðar verði náð, en þau eru m.a. að afstýra eða eyða áhættu gagnvart fólki og dýrum eða minnka hana að viðunandi marki.
- (3) Í 23. gr. reglugerðar (EB) nr. 882/2004 er kveðið á um að samþykkja megi sérstakt eftirlit sem þriðja land annast með föðri og matvælum rétt áður en þau eru flutt út til Evrópusambandsins í þeim tilgangi að sannprófa að útflutningsafurðirnar fullnægi kröfum Sambandsins.
- (4) Slíkt samþykki má aðeins veita þriðja landi eftir að úttekt Sambandsins hefur leitt í ljós að föður eða matvæli, sem flutt eru út til Evrópusambandsins, uppfylla kröfur Sambandsins eða sambærilegar kröfur og að eftirlitið sem sinnt er í þriðja landinu fyrir sendingu teljist nægilega áhrifaríkt og skilvirkt til að koma í stað eða draga úr sannprófun skjala, auðkenna og eftirliti með ástandi sem mælt er fyrir um í lögum ESB.
- (5) Í apríl 2005 lögðu Bandaríkin fyrir framkvæmdastjórnina umsókn um að fá samþykki fyrir því eftirliti fyrir útflutning sem lögbær yfirvöld í Bandaríkjunum sinna með aflatoxínmengun í jarðhnetum sem ætlunin er að flytja út til Sambandsins.
- (6) Í kjölfar úttektar Matvæla- og dýraheilbrigðisskrifstofu framkvæmdastjórnarinnar var, með ákvörðun framkvæmdastjórnarinnar 2008/47/EB <sup>(3)</sup>, veitt samþykki fyrir þessu eftirliti fyrir útflutning í því skyni að tryggja að hámarksgildi fyrir aflatoxín, sem mælt er fyrir um í lögum Sambandsins, séu virt.
- (7) Hinn 8. október 2007 lagði Kanada fyrir framkvæmdastjórnina umsókn um að fá samþykki fyrir því eftirliti fyrir útflutning sem lögbær yfirvöld í Kanada sinna með mengun af völdum okratoxíns A í hveiti (venjulegu hveiti og harðhveiti) og hveitimjöli sem ætlunin er að flytja út til Evrópusambandsins.
- (8) Framkvæmdastjórnin lagði ítarlegt mat á þær upplýsingar sem Kanadíska kornráðið (e. *Canadian Grain Commission*), sem er það lögbæra yfirvald í Kanada sem ber ábyrgð á eftirliti fyrir útflutning, lagði fram og taldi að þær ábyrgðir sem veittar eru séu fullnægjandi til að samþykkja umsókn um samþykki fyrir eftirliti fyrir útflutning á hveiti og tilteknum afleiddum afurðum að því er varðar tilvist okratoxíns A. Með framkvæmdarreglugerð framkvæmdastjórnarinnar (ESB) nr. 844/2011 <sup>(4)</sup> var því veitt samþykki fyrir þessu eftirliti fyrir útflutning í því skyni að tryggja að hámarksgildi fyrir okratoxín A, sem mælt er fyrir um í lögum Sambandsins, séu virt.
- (9) Hinn 21. nóvember 2012 lögðu Bandaríkin fyrir framkvæmdastjórnina umsókn um að fá samþykki fyrir því eftirliti fyrir útflutning sem lögbær yfirvöld í Bandaríkjunum sinna með aflatoxínmengun í möndlum sem ætlunin er að flytja út til Sambandsins.
- (10) Í kjölfar úttektar Matvæla- og dýraheilbrigðisskrifstofu framkvæmdastjórnarinnar og ítarlegs mats á viðbótarupplýsingum frá Bandaríkjunum taldi framkvæmdastjórnin að þær ábyrgðir sem veittar eru séu fullnægjandi og réttlæti samþykki fyrir eftirliti fyrir útflutning. Því þykir rétt að veita samþykki fyrir þessu eftirliti fyrir útflutning sem miðar að því að tryggja að hámarksgildi fyrir aflatoxín, sem mælt er fyrir um í lögum Sambandsins, séu virt.

<sup>(1)</sup> Stjtið. ESB L 165, 30.4.2004, bls. 1.<sup>(2)</sup> Reglugerð framkvæmdastjórnarinnar (EB) nr. 1881/2006 frá 19. desember 2006 um hámarksgildi fyrir tiltekin aðskotaefni í matvælum (Stjtið. ESB L 364, 20.12.2006, bls. 5).<sup>(3)</sup> Ákvörðun framkvæmdastjórnarinnar 2008/47/EB frá 20. desember 2007 um samþykki fyrir eftirliti Bandaríkja Norður-Ameríku með jarðhnetum og afurðum úr þeim fyrir útflutning, að því er varðar aflatoxín í þeim (Stjtið. ESB L 11, 15.1.2008, bls. 12).<sup>(4)</sup> Framkvæmdarreglugerð framkvæmdastjórnarinnar (ESB) nr. 844/2011 frá 23. ágúst 2011 um samþykki fyrir eftirliti Kanada fyrir útflutning hveitis og hveitimjöls til að kanna hvort það inniheldur okratoxín A (Stjtið. ESB L 218, 24.8.2011, bls. 4).

- (11) Í því skyni að einfalda löggjöf og tryggja samræmda nálgun þykir rétt að öll samþykki fyrir eftirliti tiltekinna þriðju landa fyrir útflutning, að því er varðar tilvist sveppaeiturs í matvælum, séu í einni og sömu reglugerðinni. Því ætti að skipta út ákvörðun 2008/47/EB og framkvæmdarreglugerð (ESB) nr. 844/2011 og fella reglurnar í þeim gerðum inn í þessa framkvæmdarreglugerð. Þó hafa verið gerðar smávægilegar breytingar til að aðlaga ákvæði er varða tíðni eftirlits og uppfæra ákvæði til að endurspegla breytingar á SN-númerum.
- (12) Í samræmi við 2. mgr. 16. gr. reglugerðar (EB) nr. 882/2004 er aðildarríkjum skylt að laga tíðni eftirlits með ástandi innfluttra afurða að áhættu sem tengist mismunandi matvælaflokkum, m.a. með tilliti til ábyrgða sem lögbær yfirvöld í þriðja landi, sem er upprunaland matvælna sem um er að ræða, leggja fram. Kerfisbundið eftirlit fyrir útflutning, sem fer fram á vegum lögbærs yfirvalds þriðja landsins og samrýmist samþykki Sambandsins í samræmi við 23. gr. reglugerðar 882/2004, veitir viðunandi ábyrgðir að því er varðar mengun af völdum sveppaeiturs og gerir því aðildarríkjunum kleift að draga úr tíðni eftirlits með ástandi þessarar vöru.
- (13) Aðildarríki, sem flytja inn margar sendingar af viðkomandi matvælum, ættu að fylgja þeirri lágu tíðni eftirlits sem komið er á í viðaukanum við þessa reglugerð. Aðildarríki, sem einungis flytja inn takmarkaðan fjölda sendingar af viðkomandi matvælum og geta ekki fylgt fastsettri tíðni eftirlits, ættu að tryggja að tíðni eftirlits sé lág.
- (14) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fæður.

## SAMBÝKKT REGLUGERÐ ÞESSA:

## 1. gr.

*Samþykki fyrir eftirliti fyrir útflutning*

- Eftirlit Kanadíska kornráðsins, sem er það lögbæra yfirvald sem ber ábyrgð á eftirliti fyrir útflutning, fyrir útflutning til Sambandsins að því er varðar okratóxin A í hveiti og hveitimjöli, sem er tilgreint í I. viðauka og framleitt á yfirráðasvæði Kanada, er samþykkt.
- Eftirfarandi eftirlit bandaríska landbúnaðarráðuneytisins, sem er það lögbæra yfirvald sem ber ábyrgð á eftirliti fyrir útflutning, fyrir útflutning til Sambandsins er samþykkt:
  - eftirlit fyrir útflutning að því er varðar aflatóxin í jarðhnetum sem eru tilgreindar í I. viðauka og framleiddar á yfirráðasvæði Bandaríkjanna,
  - eftirlit fyrir útflutning að því er varðar aflatóxin í möndlum sem eru tilgreindar í I. viðauka og framleiddar á yfirráðasvæði Bandaríkjanna.

## 2. gr.

*Fylgiskjöl og auðkenning sendinga*

- Hverri afurðasendingu, sem um getur í 1. gr., skal fylgja:
  - skýrsla með niðurstöðum úr sýnatöku og greiningu, sem er gerð í samræmi við ákvæði reglugerðar framkvæmdastjórnarinnar (EB) nr. 401/2006 <sup>(<sup>1</sup>)</sup> eða sambærilegar kröfur, á vegum rannsóknarstofu sem lögbært yfirvald hefur samþykkt í því skyni,
  - vottorð í samræmi við fyrirmyndina sem sett er fram í II. viðauka, sem er útfyllt, staðfest og undirritað af fulltrúa lögbærs yfirvalds og skal vottorðið gilda í fjóra mánuði frá útgáfudegi.
- Hver afurðasending, sem um getur í 1. gr., skal bera auðkenniskóða sem skal einnig koma fram í skýrslunni og í vottorðinu sem um getur í 1. mgr. Sérhver poki eða annars konar pakking, eða umbúðir sem innihalda nokkrar stakar einingar í einni pakkingu, í vörusendingunni, skal auðkennd með sama kóða.

## 3. gr.

*Vörusendingum skipt upp*

Ef vörusendingu er skipt upp skulu afrit af vottorðinu, sem kveðið er á um í b-lið 1. mgr. 2. gr. og lögbært yfirvald í aðildarríkinu þar sem skiptingin fór fram hefur vottað, fylgja hverjum hluta skiptu vörusendingarinnar þar til hún er afgreidd í frjálst flæði.

## 4. gr.

*Opinbert eftirlit*

Í samræmi við ákvæði 16. gr. (2. mgr.) og 23. gr. (2. mgr.) reglugerðar (EB) nr. 882/2004 skulu aðildarríkin draga úr tíðni eftirlits með ástandi afurðasendinga, sem um getur í 1. gr. og eru settar fram í samræmi við 2. gr., niður í hámarkshlutfall af þeim fjölda sendinga, sem er framvísað, sem sett er fram í I. viðauka.

<sup>(<sup>1</sup>)</sup> Reglugerð framkvæmdastjórnarinnar (EB) nr. 401/2006 frá 23. febrúar 2006 um aðferðir við sýnatöku og greiningu vegna opinbers eftirlits með innihaldi sveppaeiturs í matvælum (Stjtið. ESB L 70, 9.3.2006, bls. 12).

5. gr.

*Niðurfelling*

Ákvörðun 2008/47/EB og framkvæmdarreglugerð (ESB) 844/2011 eru hér með felldar úr gildi.

Líta ber á tilvísanir í niðurfelldu ákvörðunina og framkvæmdarreglugerðina sem tilvísanir í þessa reglugerð.

6. gr.

*Gildistaka*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. júní 2015.

*Fyrir hönd framkvæmdastjórnarinnar,*

*forseti.*

Jean-Claude JUNCKER

## I. VIÐAUKI

Afurðir sem um getur í 1. gr. og tíðni eftirlits með ástandi sem um getur í 4. gr.:

Matvæli	SN-númer	TARIC-undirskipting	Upprunaland	Sveppaeitur	Tíðni eftirlits með ástandi (%) við innflutning
- Hveiti - Hveitimjól	- 1001 - 1101 00		Kanada	Okratoxín A	< 1%
- Jarðhnetur, í skurn - Jarðhnetur, skumlausar - Jarðhnetur, unnar eða rotvarðar á annan hátt	- 1202 41 00 - 1202 42 00 - 2008 11 91, 2008 11 96, 2008 11 98		Bandaríkin	Aflatoxín	< 1%
- Möndlur, í skurn - Möndlur, skumlausar	- 0802 11 - 0802 12		Bandaríkin	Aflatoxín	< 1%

## II. VIDAUKI

## Evrópusambandið

## Vottorð vegna innflutnings til ESB

I. HLUÐI: Uppýsingar um vörusendingu	I.1. Sendandi		I.2. Tilvísunarnúmer vottorðs	I.2.a.		
	Heiti Heimilisfang Símanr.		I.3. Lögbært stjórnvald			
			I.4. Lögbært staðaryfirvald			
	I.5. Viðtakandi		I.6. Einstaklingur sem er ábyrgur fyrir vörusendingunni í ESB			
	Heiti Heimilisfang Póstnúmer Símanr.		Heiti Heimilisfang Póstnúmer Símanr.			
	I.7. Upprunaland	ISO-kóði	I.8.	I.9. Viðtökuland	ISO-kóði	I.10.
	I.11. Upprunastaður		I.12.			
	Heiti Heimilisfang		Samþykkisnúmer			
	I.13. Fermingarstaður		I.14. Brottfarardagur			
	I.15. Flutningatæki		I.16. Innflutningsstaður til ESB			
Flugvél <input type="checkbox"/> Skip <input type="checkbox"/> Járnbrotarvagn <input type="checkbox"/> Ökutæki <input type="checkbox"/> Annað <input type="checkbox"/> Auðkenning: Tilvísun í skjöl:		I.17.				
I.18. Lýsing á vöru			I.19. Vörunúmer (ST-númer)			
			I.20. Magn			
I.21. Hítastig afurða Við umhverfishita <input type="checkbox"/> Kældar <input type="checkbox"/> Frystar <input type="checkbox"/>			I.22. Fjöldi pakkninga			
I.23. Auðkenni gáms/innsiglisnúmer			I.24. Tegund umbúða			
I.25. Vörur sem eru vottaðar:						
Til manneldis <input type="checkbox"/> Sem fôður <input type="checkbox"/> Til frekari vinnslu <input type="checkbox"/>						
I.26.		I.27. Til innflutnings til ESB <input type="checkbox"/>				
I.28. Auðkenning varanna						
Númer framleiðslulotu Tegund meðhöndlunar						

LAND

EFTIRLIT FYRIR ÚTFLUTNING

II. hluti: Vottorð	<b>II. Upplýsingar um heilbrigði</b>	II.a. Tilvísunarnúmer vottorðs	II.b.						
	<p>Samkvæmt ákvæðum framkvæmdarreglugerðar framkvæmdastjórnarinnar (ESB) .../2015 um samþykki fyrir eftirliti ... hinn ... fyrir útflutning að því er varðar tilvist ... staðfesti ég undirritaður/undirrituð, ..., viðurkenndur fulltrúi lögbæra yfirvaldsins sem um getur í 1. gr. framkvæmdarreglugerðar (ESB) .../2015, að vörurnar sem lýst er í I. hluta þessa vottorðs hafa verið framleiddar, flokkaðar, meðhöndlaðar, unnar, pakkaðar og fluttar í samræmi við góðar hollustustarfsvenjur og hafa sætt eftirliti fyrir útflutning sem samþykkt var með framkvæmdarreglugerð (ESB) .../2015 og ábyrgist að vörurnar sem falla undir þetta vottorð verða fluttar til Evrópusambandsins í gámi sem er í samræmi við góðar hollustustarfsvenjur.</p> <p>Sýni til greiningar á ... voru tekin hinn ..... (dagsetning), og sett í greiningu á rannsóknarstofu ..... (dagsetning) á ..... (heiti rannsóknarstofu) og upplýsingar varðandi sýnatöku, greiningaraðferðir sem notaðar voru og allar niðurstöður fylgja með.</p>								
<p><b>Athugasemdir</b> Þetta vottorð gildir í 4 mánuði frá útgáfudegi.</p> <p><b>I. hluti:</b></p> <ul style="list-style-type: none"> <li>- Reitur I.11: <i>Samþykkisnúmer</i>: aðeins ef við á.</li> <li>- Reitur I.19: Nota skal viðeigandi ST-númer Alþjóðatollastofnunarinnar eða SN-númer.</li> <li>- Reitur I.20: Gefa skal upp heildarþyngd.</li> <li>- Reitur I.25: Frekari vinnsla merkir „sem flokka á eða meðhöndla með öðrum eðlisfræðilegum aðferðum áður en þær eru notaðar til manneldis“.</li> </ul>									
<p>Opinber skoðunarmaður</p> <table style="width: 100%;"> <tr> <td>Nafn (með hástöfum):</td> <td>Menntun, hæfi og titill:</td> </tr> <tr> <td>Dagsetning:</td> <td>Undirskrift:</td> </tr> <tr> <td>Stimpill:</td> <td></td> </tr> </table>				Nafn (með hástöfum):	Menntun, hæfi og titill:	Dagsetning:	Undirskrift:	Stimpill:	
Nafn (með hástöfum):	Menntun, hæfi og titill:								
Dagsetning:	Undirskrift:								
Stimpill:									